

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CXXXI.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

Socer igitur meus, Doct. Musæus, Geræ destitutus præsidio, & minis cedere volens Thornensi Ecclesiæ, quæ est in finibus Prussiæ, operam addixit. Et nunc cum familia sese accingit itineri, fortassis igitur filium secum duce Regiomontem. Pro communicato libro tuo gratias ago. Gratum est mihi & omnibus bonis, quod antiquitatis testimonia tanto labore conquiritis. Hactenus non legi propter occupationes. Ubi perlegero, non occultabo sententiam meam, desunt autem à fine aliquot folia in exemplari, quod misisti. Quidquid restat à folio 22. duplici zetha notato, vel à pagina 184. postremæ partis, in qua 13. argumentum Zvinglianorum tractatum, desideratur in meo exemplari. Mittes igitur data occasione, ne liber sit mutilus.

Secunda Septembr. publice abjecit Jesuitarum errores & blasphemias Eduardus Thorneus Anglus, præsentè Illustrissimo Principe Lauingæ

De illius conversione scriptum nunc est sub prælo. Constantinum hunc Cæsarem, discipulum tuum, tibi commendo. Et propter parentem, qui apud nos in ministerio servit, & quod sperem eum aliquando usui fore Ecclesiæ. Quæso promoveas ejus studia, & sis ei hortator ad diligentiam & pietatem. Rumor sparsus fuit apud nos, Davidem Chytræum diem suum obiisse, sed spero falsum esse. Scire velim, quis in vestra Academia locum obtinuerit, qui Davidi oblatum fuit. Salutem Domino Flinero, & Laurentio & aliis Collegis adscribo. Bene vale. Neuburgi, ult. Septembr. 1567.

Reverentia L.

addictiss.

Tilemannus Heshusius.

CXXXI.

Soleo tibi, vir reverende, aliisque viris bonis fratribus nostris esse more postulantibus id officium non possum, & quia promptiorem me facit tua humanitas, quam nostri experiuntur & effuse prædicant. Facio verò vicissim justibi, quos velis cumque commendandi nobis, nec erit ingrata occasio, qua possim gratificari vestris. Qui has perfert, in Ministerio versatus est apud nos, quo tamen propter lapsum excidit ante triennium, à quo tempore, etiam exilium à Magistratu indictum sustinuit, & ut potuit alibi, sese sustentavit, & quamlibet condiciones quæserit ecclesiasticas, non est firmam ullam affectus. A Senatu nostro impetravit supplicando, ut aperiretur patria, ut tamen locus detur habitandi nondum est consecutus. Sua-

si unà

A. 1567.

PARS TERTIA.

235

fi unà cum Collegis, ne Ecclesiæ ministerium spectet aut quærat, sed aliam ineat vitæ rarionem, maxime quum scriptoriam artem teneat, quam etiam istic exercuit, aut Scholasticam functionem, si non in urbibus obtineat, vel in pagis quærat. Et paratum se ostendit ad obsequendum, ut liceat alicubi conquisicere, honestaque ratione sibi & uxori, quam habet honestissimam, victum quærerere. Quare, vir reverende, vehementer te rogo, ut si quid habes consilii, javes, sublevesque afflictum, quem speramus officium facturum esse, miseret certè nos hominis, nec tamen ulla nobis occasio, etiam in tota vicinia adparet, adeo sunt omnia loca occupata in quibuslibet angulis. Si quid sit, in quo requiras officium nostrum, senties amicos & fratres. Galliæ statum afflictissimum esse satis nosti. Lugduni ejecti sunt Evangelici omnes, præcipui in vincula coniecti, quorum gratia, (nam quidam ex iis cives nostri sunt) quum essent Legati missi à Rep. exclusi sunt. Asturè id egerant hostes, ut eam Arcem habeant Galliæ, & locum oportunum quo Pontificis Rom. exercitum excipiant, quem ajunt 10000. Italorum missurum esse in Regis subsidium, seu potius sui regni stabilimentum, his arbitror confœderatorum nostrorum copias junctum iri, quos intelligimus 6000. peditum missuros, licet 4000. tantum postulata fuerint, & quod minoribus viribus nolint suos periculosa expeditioni committere. Nostri nullos dabunt, ut qui in fœdere cum Gallo religionem exceperunt. Cædes nunc sunt horrendum in modum utrinque, & tamen hæc malorum videntur esse proœmia tantum. Exulum ingens copia jam Genevæ est, & siquidem superiores evaserint Papiastæ, major erit non illic tantum. Sed nec multum sperari boni potest, etiamsi altera pars vicerit, quod plerique inconsulto zelo feruntur, non pauci sua tantum quærant. Furit & Bavarus facibus Pontificis inflammatus, & profligat optimos quosque ex sua ditione. Sic exerit vires omnes Sathanas, contra quem par est ut pugnemus tantò constantius, quo violentius grassatur, idque armis spiritualibus verbo, fide, invocatione & vitæ novitate. Bene vale in Christo JESU, vir reverende & chariss, frater. Scripti Basileæ 25. Octobr. anno 1567.

Saluta meis & Collegarum meorum verbis Symmistas tuos amanter & reverenter.

K. H. totius

S. Sulcerus.

CXXXII.